

**Suliffeqarfimmik aqutsineq pillugu
GrønlandsBANKENip nassuiaataa.**

Kalaallit Nunaanni Corporate governance

GrønlandsBANKEN-ip selskab-itut børsen-imi nalunaarsorsimasutut kissaatigaa danskit selskabii børsenimi nalunaarsorsimasut assigalugit corporate governance-imut ilisarnaasersimanissaq malerusuppaa. Ukiumoortumik naatsorsuuserisarneq pillugu inatsisip § 107 b Danmarkimut atuuttoq Kalaallit Nunaannut atuutilersimanngilaq, taamaakkaluartoq GrønlandsBANKEN corporate governance-imi inassutaasut malerusuppai. Immersugassap inassutitigut oqaasertai inassutit taarsinngilaat, selskabinillu pitsaasumik aqutsinissamut inassutigisaasut innersuussutigineqarput aallaqqaasiut, aallarniut oqaaseqaatillu eqqarsaatigalugit.

Ataani takuneqarsinnaasut tassaapput suliffeqarfimmik pitsaasumik ingerlatsinissamut komite-p inassutai 6. marts 2013-imeersut kingullermillu nutarterneqarnikuusut novemberip qaammataagaa ukioq 2014. Inassutigineqartut takuneqarsinnaapput suliffeqarfimmik pitsaasumik aqutsinissamut komite-p nittartagaani www.corporategovernance.dk.Nasdaq. OMX Copenhagen A/S aaliangersimavoq inassutaasut ilanngunniarlugit Aktianik tuniniagassanngortitsisartunut Maleruagassiani 1. juni 2013-imeersuni. Tamatumunnga atatillugu taaneqassaaq Nasdaq OMX Copenhagen A/S-imi tuniniagassiissartunut Maleruagassat allanguuteqartinneqarsimammata 26. november 2015-imi.

“Maliguk imaluunniit nassuiaruk”

Ukiumut naatsorsuusiordermut inatsisit § 107 b, imm. 1 normu 3-anni Danmark-imi atuuttussiaasumi takuneqarsinnaavoq ingerlatsiviup nassuiaasissagai peqqutit, suliffeqarfiullu inassutigineqartut ilaanni qarsutsippat. Ukiumut naatsorsuusiordermut inatsit Kalaallit Nunaannut atuuttussanngortitaasimanngilaq taamammat inatsisini § 107 b, imm. 1 normu 3-mi allasimasut aningaaserivimmit nammineq piumassutsimik malinneqarpoq. GrønlandsBANKEN-imit nalunaarutigineqassaaq, soq inassutit iluanni ilaat malinneqannginnersut, taarsiullugulu qanoq iliortoqartoq. Inassutaasut iluini qarsutsineq malerugassanik unioqqutitsinerunngilaq taamaallaalli ersersitsisuulluni aningaaseriviup siulersuisuisa qinersimagaat inassutigineqartunit allaasunik ingerlatsinissaq. Tuniniaaviusup aaliangissavaa peqqutit nassuiaataasoq akuerisinnaanerlugu aammalu nalilissallugu nassuiaatit naammaginartuunersut. Nassuiaatip pitsaasup peqqutaasut suunerinik soqutigisaqartuusunut pasinarsitissavaa taakku aaliangiisinnaalersillugit sunut aningaasaliissuteqarsinnaaneq. Aningaasaliinikkut tunuliaqutaasunut ersittumik ingerlatsinissaq angujumallugu, aningaaserivik taava inassutaasunik tamakkiisunut nalilersuissaaq ilisimatitsissutigalugulu inassutigineqartut suut malinniarnarlugit suullu malinniannnginnerlugit.

Nalunaaruteqarnerup ersersissavaa aqutseriaaseq atornerqartoq naatsorsuutit saqqummiunneqarneranni atornerqartoq. Ukiup ingerlanerani annertuunik allannguutit pisoqarpat naatsorsuusiorderup naammassinerata kingorna, taava tamanna nalunaarusiordermi pitsaasumik aqutsinissaq angujumallugu nassuiarneqartariaqarpoq. Pingaartuuvoq aningaaseriviup inassuteqaatinik tamarmiusunik ataasiakkaanik nalilersuinissaa.

GrønlandsBANKEN inassutaasut ilaannik ilaannakuusumik malinnippat, nalunaarutigineqassaaq aningaaserivimmit suna/sorleq malinneqarnersoq nassuiarneqarlunilu soq sutigullu qarsutsisoqartoq kiisalu taarsiullugu taava qanoq iliortoqarnersoq.

GrønlandsBANKEN-imit toqqarneqarsimavoq ilanngussanik pasissutissiinissaq, aamma aningaaseriviup inassutinik maleqqissaarinera pigaangat. Tamanna komite-mit inassutigineqartunut ilassusiineruvoq.

PKT. 1: Suliffeqarfimmik aqutsinermut najoqqutassat

GrønlandsBANKEN børs-imi piginneqatigiiffittut Nasdaq OMX Nordic-imi nalunaarsugaasunut ilaanermigut suliffeqarfittut pitsaasumik aqutsinissamik inassutaasunik malittarinnittussaatitaavoq, taakkulu atuarneqarsinnaapput iserfigalugu pitsaasumik aqutsinissamut Komite-p nittartagaa www.corporategovernance.dk .

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut /malinnginneranut nassuiaatit:
1. Selskabip aningaasalersuisuinut soqutigisalinnullu allanut selskabip attaveqanera peqatiginninneralu				
<i>1.1. Selskabip, piginneqatigiit soqutigisallillu allat akornanni oqaloqatigiinnerit</i>				
1.1.1. Inassutigneqarpoq , selskabip piginneqataasullu akornanni ingerlaavartumik oqaloqatigiittarneq siulersuisut qulakkiissagaat, taamaalilluni piginneqataasut selskabip periarfissaanik politikkiinillu tulluurtumik paasinnissammata, siulersuisullu piginneqataasut isumaannik, soqutigisaannik selskabillu tungaanut isummersorneri ilisimassammatigik.	X			Piginneqataasunut najoqqutassat tulluurtut GrønlandsBANKENip nittartagaani takuneqarsinnaavoq.
1.1.2. Inassutigneqarpoq siulersuisut selskabip soqutiginnittuminut pissusini pillugit politikkinik aalajangiussissasut, tamakkununnga ilaallutik piginneqatigiissutaateqartut aningaasaliisullu allat, kiisalu qulakkiissallugu soqutiginnittut soqutigisaat selskabip tamatumunnga politikkia malillugu ataqineqassasut.	X			Pilersaarusionerq tassaavoq aningaaseriviup soqutigin-nittaanut tunngavissisussa. Tamatuma saniatigut aamma aaliangiussaavoq avammut attaveqarnerup qanoq ilusili-gaanissaa, tassani aningaasa-leeqataasut allallu soqutiginnit-taasut ilaatinneqarnissaat isumannaarumallugu.

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
1.1.3. Inassutigineqarpoq selskabi kvartalimut nalunaarusiat tamanut saqqummiuttassagaat.	X			
<i>1.2. Ataatsimeersuarneq</i>				
1.2.1. Inassutigineqarpoq selskabip ataatsimeersuarnissaata siulersuisut pilersaarusiorneranni ingerlannissaa pilersaarutigissagaat taamaalilluni eqeersimaartumik piginneqataaneq ikiorserlugu.	X			2014-imi aningaaseriviup ammaappaa attaveqaatit atorlugit piginneqataasunut attaveqartarnissaq. Taamak iliornikkut attaveqaqa-tigiittarneq eqaannerusunngor-sarumaneqarluni.
1.2.2. Inassutigineqarpoq , piginnaatitsissutinik ataatsimeersuarnermi atorineqartussani piginneqataasut oqaluuserisisassani immikkoortut tamaasa isummerfiginissaannut periarfissinneqassasut.	X			
<i>1.3. Tigusinissamik misiliinerit</i>				
1.3.1. Inassutigineqarpoq selskabi pisinissamut misiliigatuarnernut upalungaarsimanissamut suleriaatsimik pilersitsissasoq, piffissamut siulersuisut tunngavissaqartumik ilimasulerpata pisinissamut neqeroorut saqqummiunneqarnerata nalaanut atuuttussaq. Upalungaarsimanissamut suleriaaseq aalajangerneqartariaqarpoq, siulersuisut ataatsimeersuarnerup akuersinerata avataani pisinissamut misiliinerit illuatungilerniarlugit iliuusissanik aalajangiinermikkut, taamaalilluni pisiniarluni misiliigaluarneq pillugu piginneqataasut	X			Pisiniarluni misiliigaluarneq piginneqataasunut saqqummiunneqassaaq. Imarisavia pillugu siulersuisut ilisimatinneqassapput, neqeroorutillu imarisaa apeqqutaatillugu aningaaserivik avataaniit siunnersuisunik pissarsiussapput. Tamakku saniatigut pisiniarluni misiliigaluarnermi sukumiisumik suleriaaseqanngilaq.

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
isummertinngitsoorlugit.				
2. Siulersuisut suliassaak akisussaaffiilu				
<i>2.1. Suliassat akisussaaffiillu pingaarnert</i>				
2.1.1. Inassutigineqarpoq siulersuisut minnerpaamik ukiumut ataasiartumik pissutsit siulersuisut suliassaminnik isumaginninnissaminnut ilaasussat isummerfigisassagaat.	X			Siulersuisut suliaminni aallaavigissavaat siulersuisut akuerisaannik ukiumut pilersaarut kiisalu suleriaasissaq.
2.1.2. Inassutigineqarpoq siulersuisut minnerpaamik ukiumut ataasiartumik selskabimi naleqartunik pilersitsinissaq qulakkeerniarlugu selskabip periusissaa pingaarneq pillugu isummerfigisassagaat.	X			Siulersuisut ukiumut ataasiarlutik periusissat pillugit aningaaseriviullu niunernermi najoqqutassaa pillugu isumasioqatigiittassapput kiisalu ukiumut tulliuttumut periusissatut pilersaarut ukiup naanerani siulersuisunit akuerineqartussa.
2.1.3. Inassutigineqarpoq siulersuisut eqqumaffigissagaat selskabip aningaasaqarnikkut aktiaatitigullu aaqqissuussaana selskabip periusissaanik siunissamullu ungasinnerusumut naleqartunik pilersitsinermik ilapittuutaasoq piginneqataasuniissasoq selskabillu soqutigisaaniissasoq kiisalu selskabip ukiumoortumik nalunaarusaani aqutsisut nalunaarutaani tamanna nassuiaatigalugu aamma/imaluunniit selskabip nittartagaaniissasoq.	X			Siulersuisut selskabip aningaasaateqarnera aktiaatillu aaqqissuunneqarnerat ukiumoortumik nalilersortassavaat.
2.1.4. Inassutigineqarpoq siulersuisut ukiumoortumik aqutsisunut maleruagassat misissortassagaat akuersissutigalugillu, tamakkununga ilaallutik aqutsisunut piffissaagallartillugu, sukumiisumik kiisalu siulersuisunut	X			Siulersuisut ukiumoortumik suleriaasissaminnik aaliangiussisassapput aammalu § 70-imik taasamik pisortat sulinissaanni tunnga-vissiuussisallutik.

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
naammaginartumik nalunaarusiortarnissaannut piumasaaqatit aalajangersaaffigalugit.				Tamatumunnga atatillugu siulersuisut pisortamut nalunaaruteqartarnissaat aamma tunngavissiuunneqartarpoq.
2.1.5. Inassutigineqarpoq siulersuisut minnerpaamik ukiumoortumik aqutsisut katiterneqarnerat kiisalu ineriartorneq, aarlerinaatit iluatsitsinissamullu pilersaarutit pillugit oqallisigisassagaat.	X			Pisortat ukiumoortumik siulersuisut naliliffigisassavaat.
2.1.6. Inassutigineqarpoq selskabip aqutsisuisigut selskabimi tamatigoortuunissaq tulluortoq qulakkeerniarlugu selskabip sammisartagai siulersuisut ukiumoortumik oqallisigisassagaat, tamatumunnga ilaallutik anguniagassat aalajangersimasut aalajangernissaat kiisalu selskabip ukiumoortumik nalunaarusiaanni aqutsisut nalunaarusiaanni aamma/imaluunniit selskabip nittartagaani nassuiaaserlugit, anguniakkani ilanngullugit aammalu taakku eqquutsinnissaannut killiffiit.	X			2013-imut atatillugu suaassuseq aallaavigalugu ikinnerussuteqartutut inissisimasut pillugit politikikkissamik aaliangiussisoqarpoq. 2014-imilu qanoq akuleriaarisitsinissaq/siammarsaanissaq pillugu politikikkisaaq akuerineqarluni. Pineqartoq aningaaseriviup inuiaqatigiinni akisussaaqataalluni ingerlanissaanik (CSR) nalunaarusiami ilaavoq.
2.2. Inuiaqatigiinnut akisussaassuseq				
2.2.1. Inassutigineqarpoq selskabip inuiaqatigiinnut akisussaassusianik siulersuisut politikkinik aalajangiissasut.	X			Siulersuisut ukiumoortumik inuiaqatigiinni akisussaaqataalluni ingerlanissamut pilersaarusiortarluni politikikkissaliortarpoq. GrønlandsBANKEN-illu akisussaaqataasumik ingerlanissamini siunnerfigisai ukiumut nalunaarutip iluani pisortap nalunaarutaata ataani takuneqarsinnaapput aammalu

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
				aningaaseriviup quppersagaanut iserluni atuarneqarsinnaallutik. 2013 aningaaserivik UN Global Compact-imut ilannguppoq.
2.3. Siulersuisunut siulittaasoq siulittaasullu tullia				
2.3.1. Inassutigineqarpoq siulersuisunut siulittaasup tullianik qinersisoqassasoq, siulittaasup peqataannginnerani atuuttussamik, tamatumalu saniatigut siulittaasumut sunniuteqartumik suleqataasusaaq.	X			
2.3.2. Inassutigineqarpoq siulersuisut nalinginnaanngitsumik siulersuisunut siulittaasoq selskabimut ingerlatsinermi suliassanik immikkut ittunik suliaqarnissaanik qinnuigippassuk, ilaallutik ulluinnarni aqutsisuni sivikitsumik peqataaqqullugu, tamanna pillugu siulersuisut aalajangersimasariaqarput, taamaalilluni qulakkeerneqassammat siulersuisut arlaannut attuumassuteqanngitsumik aqutsisutut nakkutilliinermillu atuuffeqartut pingaarnertut ataannarnerat. Siulittaasup ulluinnarni aqutsinermi peqataanissaa taassumalu qanoq sivistiginissaanik naatsorsuuutiginera pillugu aalajangerneq selskabimit nalunaarutikkut ilisimatitsissutigineqartariaqarpoq.	X			Siulittaasoq aningaaserivik sinnerlugu immikkut ittunik suliaqartanngilaq.
3. Siulersuisut katiterneqarnerat aaqqissuunneqarnerallu				
3.1. Katiterneqarnerat				

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
<p>3.1.1. Inassutigineqarpoq siulersuisut makku pillugit ukiumoortumik nassuiaateqartassasut;</p> <ul style="list-style-type: none"> • siulersuisut suliasaminnik pitsaanerpaamik suliarinninnissaminnut piginnaasanik sunik pigisaqassanersut • siulersuisut katiterneqarnerat, kiisalu • ilaasortat ataasiakkaat immikkut piginnaasaat. 	X			<p>Siulersuisunut ilaasortat makkuninga piginnaasaqartuassapput; aningaasarsiornermi naatsorsuusiornermilu tamatigoortunik ilisimasaqarneq, niuernikkut misilittakkat kiisalu Kalaallit Nunaanni inuiaqatigiinni pissutsinik ilisimasaqarluarneq. Siulersuisut ukiumoortumik nalilersuinerмик suliaqartassapput. Ilaasortat ataasiakkaat tunuliaqutaat piomasaaqatitut sanilliullugit ukunani takuneqarsinnaapput; ataatsimeersuarnermut aggersaanermi, aningaaseriviup nittartagaani, taakkulu saniatigut siulersuisunut ilaasortat tamarmik ukiumoortumik nalunaarusiami nassuiaateqarfigineqarput. Ataatsimeersuarnermi qinikkat ataasiakkaat immikkut piginnaasaat pingaartumik inuussutissarsiornermik ingerlataqarsimaneri kiisalu ilinniarsimaneri aqqutigalugit anguneqarsimapput.</p> <p>Ataatsimeersuarnermi qinigaasunut ataasiakkaanut immikkut piomasarisaasut naapertuuttumik anguneqarput ataasiakkaat inuussutissarsiornermik ingerlatsisimanerisigut aammalu ilinniarsimasaasigut.</p>

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
<p>3.1.2. Inassutigineqarpoq siulersuisut siulersuisunut piukkussanik toqqaasarnermi inassutiginninnerilu sukumiisumik siulersuisunullu paasinartumik siulersuisunillu tamarmiusunit akuerineqarsimasumik suleriaaseqarlutik isumagisassagaat. Katiterneqarnernik naliliinermi piukkusanillu nutaanik inassutiginninnermi nutarsaanissamut pisariaqartitat kiisalu tamatiguussusermik pisariaqartitat ilaatigut ukioqqortussuseq, nunarsuarmit misilittagaqarneq kiisalu arnaaneq angutaanerlu eqqarsaatigineqassapput.</p>	X			<p>Siulersuisunut ilaasortassanik piukkunneqartunik inassuteqartartussat pilersinneqarnikuupput. Siulersuisullu qinersinerat inassuteqaatigisaallu siulersuisuni oqallisigineqartarput tassani nalilersuiffigineqartarlutik piginnaasaqarfigisassanut siulersuisut akuerisimasaannut attuumassuteqartut.</p>
<p>3.1.3. Inassutigineqarpoq ataatsimeersuarnissamut aggersaanermut ilanngullugu, siulersuisunut qinersinissaq oqaluuserisassaniitillugu, inatsisitigut aalajangersimasut saniatigut, qinigassanngortittut piginnaasaat pillugit nassuiaatit saniatigut, qinigassanngortittut pillugit makkuninnga ilisimatitsissuteqartoqassaaq;</p> <ul style="list-style-type: none"> • aqutsinikkut atuuffii allat, ilaallutik aqutsisuni, siulersuisuni nakkutilliisunilu suliaat, ilanngullugit aqutsisuni ataatsimiititaliat, nunat allamiut suliffeqarfiini • allaffissornikkut aqutsinermi suliaat piunasaqaateqarfiusut, kiisalu ilisimatitsissutigineqassalluni • siulersuisunut qinigassanngortittut arlaannut attuumassuteqanngitsutut isumaqarfigineqarnerisut. 	X			<p>Qinigassanngortikkumaneqartut piginnaasaqarfii pillugit, aqutsinernut attuumassuteqartut il.il kiisalu qinigassanngortikkumaneqartut soqutigisamikkut attuumassuteqannginnerannut tunngasut ataatsimeersuarnissamut aggersaassummi ersittarput.</p>
<p>3.1.4. Inassutigineqarpoq selskabi maleruagassamini siulersuisunut ilaasortat ukiumikkut killissaat aalajangiunneqassasoq.</p>	X			<p>Ukioqqortussutsikkut killiliunneqarput ukiut 70-it.</p>

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
<p>3.1.5. Inassutigineqarpoq siulersuisunut ilaasortat ataatsimeersuarnermi qinikkat ukiut tamaasa ileqqusumik ataatsimeersuarnermi qinigassanngorteqqittassasut.</p>		X		<p>Ataatsimeersuarnermi qinigaasartut akornanni qinerseqqinnissat ukiut allortarlugit pisassapput, tassanilu affaasut ukiut tamaasa qinigassanngortassapput. Tamanna ingerlanneqarpoq akuerineqarsinnaassumik aalaakkaassuseqarnissaq angujumallugu.</p>
<p><i>3.2. Siulersuisut arlaannut attuumassuteqannginnissaat</i></p>				
<p>3.2.1. Inassutigineqarpoq siulersuisunut ilaasortat ataatsimeersuarnermi qinikkat minnerpaamik affaat arlaannut attuumassuteqartussaangitsut, taamaalilluni siulersuisut immikkut soqutigisat attuumassuteqarfiginagit sulisinnaassammata.</p> <p>Arlaannut attuumassuteqassanngikkaanni pineqartut imaassanngillat;</p> <ul style="list-style-type: none"> • ukiut kingulliit 5-it iluini selskabimi, selskabimi pigineqataaffigineqartumi imaluunniit selskabimi attuumassuteqarfigisami aqutsisunut ilaasortaasimassanngilaq imaluunniit aqutsisutut sulisuusimassanani, • ukiut kingulliit 5-it iluini selskabimit/suliffeqarfissuarmit, selskabimit pigineqataaffiusumit imaluunniit selskabimit attuumassuteqarfiusumit siulersuisunut ilaasortaanerup saniatigut amerlasuunik akissarsiaqartinneqarsimassanngilaq, • aqutsisutut pigineqataassuteqartup soqutigisaanut sinniisuussanngilaq, 	X			<p>Naatsorsuutigineqarpoq siulersuisuni ilaasortanngortut akornanni ataatsimeersuarnermi qinigaasut 6-it attuumassuteqannginnissaat. Sukumiinerusumik nalilersuisinnaajumallutit takuuk imm. 3.3.2.</p>

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
<ul style="list-style-type: none"> • ukiut kingulliunerusut iluini niuernikkut selskabimut, selskabimut piginneqataaffiusumut imaluunniit selskabimut attuumassuteqarfiusumut attuumassuteqarsimassanngilaq (assersuutigalugu inuttut nammineq imaluunniit toqqaannartumik piginneqataasutut sulisutulluunniit, piginneqataasutut, sullinneqartutut, pilersuisutut imaluunniit selskabini assingusumik attuumassuteqarluni aqutsisunut ilaasortatut), • ukiut kingulliunerusut 3-t iluanni avataani kukkuneruisuni atorfeqarsimassanngilaq imaluunniit piginneqataasimassanani, • selskabimi selskabimik aqutsinikkut paarlakaattunik sinniisoqarfiusumi pisortaasimassanngilaq, • ukiut 12-it sinnerlugit siulersuisunut ilaasortaasimassanngilaq, imaluunniit • inunnut arlaannut attuumassuteqanngitsutut isigineqarsinnaanngitsunut qanittukkut ilaqaataassanngilaq. 				
<i>3.3. Siulersuisunut ilaasortat aamma aqutsisutut atuuffiit allat amerlassusii</i>				
<p>3.3.1. Inassutigineqarpoq siulersuisunut ilaasortat ataasiakkaat tamarmik nalilersussagaat, suliamut pineqartumut piffissaq pisariaqartinneqartoq qanoq sivisutigisoq atussallugu, taamaalilluni pineqartoq atuuffinnik amerlanerusunik isumaginnittariaqarnani, atuuffiit ataasiakkaat tamaasa selskabimut naammaginartumik isumagineqarsinnaaniassammata.</p>	X			Ukiumoortumik siulersuisut piginnaasatigut siammassisusiat nalilersuiffigeqartassaaq.

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
<p>3.3.2. Inassutigineqarpoq aqutsisut nalunaarutaat inatsisini aalajangerneqarsimasut saniatigut siulersuisunut ilaasortat pillugit paasissutissanik makkuninnga imaqassasut;</p> <ul style="list-style-type: none"> • pineqartup atorfia, • pineqartup ukiui aamma arnaanersoq angutaanersorluunniit, • ilaasortaq arlaannut attuumassuteqanngitsutut isigineqarnersoq, • piffissaq ilaasortap siulersuisunut ilaasortanngorfia, • piffissap qinigaaffiusup qaanngiuffissaa, • pineqartup aqutsisutut atuuffii allat, tamakkununnga ilaallutik aqutsisuni, siulersuisuni nakkutilliisoqarfinnilu atuuffii, tamakkununnga ilaallutik nunat allamiut suliffeqarfiini aqutsisutut ataatsimiititaliani kiisalu • kattuffinni suliassat piumasaqaateqarfiullutik artornartut, aamma • Aktiat, pisinissamut salliutitsissutit, sillimmasiinerit assigisaallu ilaasortap selskabimi selskabinilu selskabip suliffeqarfissuartut attuumassuteqarfigisaani pigisai, kiisalu pappilissani nalilinni taaneqartuni ilaasortap uninngasuutaani allannguutit ukiup naatsorsuiffiusup ingerlanerani pisimasut. 	X			<p>Paasissutissiissutit pisortatut nalunaarusiami ersipput toqqaannartumik imal. nalunaarusiamut matumuuna innersuussinikkut. Makku taaneqarsinnaapput:</p> <p>Ilaasortat arlaannut attuumassuteqanngitsut attuumassuteqartullu ataani allassimapput: Anders Brøns aamma Kristian Lennert ukiut 12-it sinnerlugit siulersuisunut ilaasortaasimapput. Taamaakkamillu taaneqartut suliffeqarfimmut attuumassuteqartuupput.</p> <p>Ilaasortat arlaannut attuumassuteqanngitsut tassaapput Gunnar í Liða, Frank Olsvig Bagger, Lars Holst aamma Christina F. Bustrup.</p>

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
3.4. Aqutsinermi ataatsimiititaliat (imaluunniit komité-t)				
<p>3.4.1. Inassutigineqarpoq selskabip selskabip nittartagaani makku tamanut saqqummiuttassagai:</p> <ul style="list-style-type: none"> • aqutsisuni ataatsimiititalianut suliakkiissutit, • ukiup ingerlanerani ataatsimiititaliat suliaat pingaaruteqarnerit ataatsimiititalianilu tamani ataatsmiinnerit amerlassusii, kiisalu • aqutsisuni ataatsimiititaliani ataasiakkaani ilaasortat aqqi, tamakkununga ilaallutik ataatsimiititaliat siulittaasui, kiisalu kikkut arlaannut attuumassuteqanngitsutut ilaasortaanersut, kiisalu ilaasortat kikkut immikkut ittunik piginnaasaqarnersut. 	X			Akissarsiaqartitsinermut ataatsimiititaliamut, inassuteqartarnermut aamma kukkunersiuinermut navialiffiusinnaasunullu nakkutilliinermi ataatsimiititalianut suliakkiissutit aningaaseriviup nittartagaani allassimapput kikkullu ataatsimiititaliamut ilaasortaanersut. Kukkunersiuinermut navialiffiusinnaasunullu nakkutilliinermi kiisalu akissarsiaqartitsinermut ataatsimiititaliani ukiumoortumik ataatsimiinnissat nittartakkami takuneqartsinnaasumik pilersaarusioneqarput, taakkuli tamanut saqqummiunneqarsimanatik.
<p>3.4.2. Inassutigineqarpoq aqutsisuni ataatsimiititaliani ilaasortat amerlanersaat arlaannut attumassuteqassanngitsut.</p>		X		Sulisut sinniisaat siliffeqarfimmut attuumassuteqartuuvoq, ataatsimiititaliilli ilaasortaasa sinneri suliffeqarfimmut attuumassuteqartuunatik.
<p>3.4.3. Inassutigineqarpoq siulersuisut <u>kukkunersiuinermi ataatsimiititaliamik</u> pilersitsissasut, imaalillugu katiterneqartussamik,</p> <ul style="list-style-type: none"> • siulersuisunut siulittaasoq kukkunersiuinermut ataatsimiititaliamut siulittaasuussanngitsuq, aammalu • ataatsimiititaliaq ataatsimoorluni suliaqarfitsigut ilisimasaat misilittagaallu imaassasut, aningaasarsionermut tunngasuni nutartikkanik 		X		Siulersuisuni siulittaasoq aamma siulittaasuuvoq ataatsimiititalianut aningaaserivillu tassani inassutigineqartunit allaanerusumik inissisimavoq (takuuk imm. 5.10.3).

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
<p>ilisimasaqassasut misilittagaqarlutillu kiisalu selskabini niuerfinni naleqqussarsimasuni aktiaatinik niuernissamut ilaasuni naatsorsuusiornikkut kukkunersiuertigullu pissutsini.</p>				
<p>3.4.4. Inassutigineqarpoq kukkunersiuinermut ataatsimiititaliap ukiumoortumik nalunaarusiap akuerineqannginnerani allatigullu aningaasarsiornermi nalunaarusiat nakkutigissagaat makkulu pillugit siulersuisunut nalunaarusiorlugit:</p> <ul style="list-style-type: none"> • sammisani pingaaruteqartuni naatsorsuusiornermi periutsit, • naatsorsuusiornikkut missingiinerit pingaaruteqartut, • suleqatigisanut qanittunut nuussinerit, aamma • nalorninaatillit aamma aarlerinaatillit, tamakkununnga aamma ilaallutik ukiumut aallartittumut naatsorsuutigisanut tunngasut. 	X			<p>Ataatsimiititaliap kukkunersiuinermik navialiffiusinnaasunillu nalilersuinermik suliaqartup aallaavigivai ukiumut pilersaarusiat, tassanilu ilaatigut erseqqissarneqarput ataatsimiititaliap suut ukiumut naatsorsuutit akuerinnginneranni isumagisassai tamatumalu ataani taakkartorneqartut allat suut tunngavigissagai.</p>
<p>3.4.5. Inassutigineqarpoq kukkunersiuinermut ataatsimiititaliap imaassasoq:</p> <ul style="list-style-type: none"> • suliffiup iluani kukkunersiuinissamut pisariaqartitsineq ukiumoortumik nalilersortassavaat, pisariaqartinneqassappallu toqqaanissamut, atorfinitsitsinissamut pillugu, immaqalu suliffiup iluani kukkunersiuinermut aqutsisumik soraarsitsinissaq aamma suliffiup iluani kukkunersiuisup missingersuutit pillugit inassutinik saqqummiussisassallutik, aamma • suliffiup iluani kukkunersiuisut isummeneri inassutigisaallu pillugit aqutsisut malinnaatitsineri nakkutigissallugit. 	X			<p>GrønlandsBANKENimi suliffiup iluani kukkunersiuisunik pilersitsisoqarsimavoq.</p>

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut /malinnginneranut nassuiaatit:
<p>3.4.6. Inassutigineqarpoq siulersuisut <u>ataatsimiititaliamik inassuteqartartussamik</u> pilersitsinissaat siulersuisuni siulittaasuusoq tassani aamma siulittaasoralugu minnerpaamik makkuninnga suliaqartartussamik:</p> <ul style="list-style-type: none"> • Siulersuisut pisortallu akornanni aammalu atorfinnut aaliangersimasunut qanoq piffissaliinissanullu atatillugu piginnaaneqarfigisassatut, ilisimasaqar-nikkut misilittagaqarnikkullu aqutsinermik akisussaaffeqarlutik sulisussat akornanni pisariaqarsorisatik nassuiassallugit, • ukiumoortumik nalilersuiffigisassallugit siulersuisut pisortallu qanoq ilusiligaaneri, angissusiligaaneri/amerlassusiligaaneri, katitigaaneri angusaqarnerilu kiisalu inassuteqartassallutik siulersusisut allanngartariaqarsorigaangamikkut, • ukiumoortumik nalilersuiffigisassallugit siulersuisuni ilaasortaasut ataasiakkaat piginnaaneqarfigisaat, ilisimasaat misilittagaqarnerilu siulersuisunut kingorna nalunaarutigisassaminnik, • nalilersuiffigalugit siulersuisunut ilaasortaasutut pisortaaitassatullu inunnit attuumassuteqartunit, piginneqataasunit siulersuisuni ilaasortanit pisortanillu piukkunneqarlutik siunnersuutigineqartut • siulersuisut siunissami katiterinissamik pilersaarutitik siunnersuuteqarfigalugit tassumalu ataani allanngutissatut isummorsorfigineqarsinnaasut saqqummiullugit. 	X			Siulittaasuni siulersuisup ukiut tamaasa siulersuisut siunissami taakku qanoq akuleriaarneqarnissaat pillugu oqaloqati-ginnittassaaq aammalu immik-kut ittunik iliuusissanik pisoqartussaattillugu.
<p>3.4.7. Inassutigineqarpoq siulersuisut <u>akissarsiaqartitsinermi ataatsimiititaliamik</u> pilersitsissasut, minnerpaamillu piareersaatitut makkuninnga</p>				Akissarsiaqartitsinermi ataatsimiititaliaq pilersinneqarsimavoq. GrønlandsBANKENip angissusia, niuernermi ajornaatsumik najoqputaqarnera aallutallu

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
<p>suliaqartussaq:</p> <ul style="list-style-type: none"> • akissarsiaqartitsinermut politikkimik siulersuisunut aqutsisunullu ilassuteqarneq (ilaalluni "Kajumissaatitut akissarsiaqartitsinissamat maleruagassat pingaarnert") ataatsimeersuarnissarlu sioqqullugu siulersuisunit akuerisassanngortillugu, • siulersuisunut aqutsisunullu ilaasortat akissarsiassaatt pillugit siulersuisunut siunnersuutinik saqqummiussineq kiisalu qulakkiissallugu akissarsiaqartitsineq selskabip akissarsiaqartitsinermi politikkianik malitsitsinissaq pineqartullu suliaanik nalilersuineq. Ataatsimiititaliap akissarsiat katinneri ilisimassavaat, siulersuisunut aqutsisunullu ilaasortat suliffeqarfanni suliffeqarfissuarnilu allani pissarsiarisartagaat, aamma • akissarsiaqartitsinermut politikkimik selskabimut tamarmut atuuttussamik inassuteqarneq. 	X			tamangajalluinnarmik Kalaallit Nunaanniinnerat eqqarsaatigalugit akissarsiaqartitsinermi ataatsimiititaliap siulersuisunut siulittaasumit siulittaasullu tullianit isumagineqarnissaa illersorneqarsinnaasutut isumaqarfigineqarpoq. 2014 aallarnerfigalugu sulisut sinniisaat ataaseq aamma ataatsimiititaliamut ilaasortanngorpoq.
<p>3.4.8. Inassutigineqarpoq akissarsiaqartitsinermi ataatsimiititaliap avataanit siunnersiusartut selskabimi aqutsisut atortagaasa assingi atussallugit pinngitsoortissagaat.</p>	X			Akissarsiaqartitsinermut ataatsimiititaliap avataaniit siunnersuisartunik atuisimangilaq.
<p>3.5. Siulersuisuni aqutsisunilu suliat nalilersorneqartarneri</p>				
<p>3.5.1. Inassutigineqarpoq siulersuisut nalilersueriaatsimik aalajangiussaqaasasut, taamaalilluni siulersuisut tamarmiusut ilaasortallu ataasiakkaat suliaat angusaallu kiisalu aqutsisunik suleqateqarneri ukiumoortumik nalilersorneqarsinnaaqullugit. Nalilersuinerit aallaavigalugit allannguutissat</p>	X			Finanssektorens Uddannelsescenter (aningaaserinermik suliaqarfiusut akornanni qitiusumik ilinniartitsivik) suleqatigalugu siulersuisut nalilersuinerimik suliaqartarput.

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
pingaaruteqartut aqutsisut nalunaarutaatigut imaluunniit selskabip nittartagaatigut nalunaarutigineqartariaqarput.				
3.5.2. Inassutigineqarpoq siulersuisut ataatsimeersuarnissap piareersarneranut atatillugu eqqarsaatigissagaat ilaasortat amerlassusii selskabip pisariaqartitaanut naleqqiullugit tulluarnersut. Tamatumunnga ilanngullugu qulakkeerseqassaaq, siunertaqartumik oqallittoqarsinnaanera sunniuteqartumillu aalajangiisoqarsinnaanera, ilaasortat tamarmik eqeersimaartumik peqataanissaat periarfissillugu.	X			Siulersuisunik naliliineq suliffeqarfiup iluani allaganngorlugu suliarinnittoqarsimavoq, siulersuisullu ilinniartitaanerannut nalilersorneqarnerannullu atatillugu avataaniit siunnersuisunik atuisoqarsimalluni. Ukiumoortumik nalunaarusiap nassuiaat taanna innersuussutigaa.
3.5.3. Inassutigineqarpoq piumasaqaatit erseqqissut siumut aalajangerneqareersimasut malillugit aqutsisut suliaat angusaallu pillugit siulersuisut minnerpaamik ukiumut ataasiartumik nalilersortassagaat.	X			
3.5.4. Inassutigineqarpoq aqutsisut siulersuisullu suleriaatsimik aalajangiissasut, taanna malillugu siulersuisunut siulittaasup pisortaanerullu akornanni aaqqissuussamik oqaloqatigiinnikkut suleqatigiinnertik ukiumoortumik nalilersortassallugu, kiisalu nalilersuinerup inerneru siulersuisunut saqqummiutassallugu.	X			Siulersuisunit ukiumoortumik pisortat nalilersuiffigineqartassapput akunnermi suleqatigiinnerup qanoq innera ilanngullugu.
4. Aqutsisut akissarsiaat				
<i>4.1. Akissarsiaqartitsinermut politikkip ilusiligaanera imarisaalu</i>				
4.1.1. Inassutigineqarpoq siulersuisunut aqutsisunullu akissarsiaqartitsinermut politikkimik erseqqissumik	X			

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
<p>paasinartumillu siulersuisut suliarinnissasut, makkuninnga imaqartussamik</p> <ul style="list-style-type: none"> • akissarsiaqartitsinermi immikkuualuttut siulersuisunut aqutsisunullu akissarsiaqartitsinermi ilaasut sukumiisumik nassuiaasersorneri, • akissarsiaqartitsinermi immikkuualuttut ataasiakkaat aalajangiunnerinut tunngavilersuutit, aamma • piunasaqaatit akissarsiaqartitsinermi immikkuualuttut ataasiakkaat akornanni oqimaaqatigiissitsinermit tunngavigineqartut nassuiaasersorneri. <p>Akissarsiaqartitsinermit politikki ataatsimeersuarnermi akuerineqartariaqarpoq selskabillu nittartagaani tamanut saqqummiullugu.</p>				
<p>4.1.2. Inassutigineqarpoq akissarsiaqartitsinermit politikki immikkuualuttunik assigiinngiiaartunik imaqarpat,</p> <ul style="list-style-type: none"> • akissarsiaqartitsimerup katinnerani assigiinngiiaartortai killilersorlugit aalajangiunneqassasut • aqutsisut akissarsiaqartinneqarneranni, aarlerinaatitut naatsorsuutigineqarsinnaasut kiisalu siunissamut qaninnerusumut ungasinnerusumullu piginneqataasunut naleqartunik pilersitsinissap akornanni tulluurtumik oqimaaqatigiissumillu katiterinissaq qulakkeerneqassasoq, • assigiinngiiaartortaanik pilersitsinermit angusanut piunasaqaatit uuttorsinnaasortaallu paasinarsarlugit, • piunasaqaatit akissarsiaqartitsinissamut isumaqatigiissutip assigiinngiiaartortaanik tamakkiisumik ilaannakortumilluunniit pissarsiarisat qaammatisiutit malillugit ukioq ataaseq sinnerlugu siammarsimanissaat, aamma 	X			<p>Matoqqasumik pisortaasut aammalu ukiup ingerlanerani navialiffiusinnaasunut pingaaruteqartumik akisussaataasut ukiup naanerani angusat aallaavigalugit ajunngitsorsiassanik tunineqarsinnaapput. Saniatigulli aningaasarsiat iluini pisortanut navialiffiusinnaasunullu pingaaruteqartumik akisussaataasut nikerartunik tunngavilersukkanik aningaasarsiaqarnerup iluani isumaqatigiissuteqarfigineqarsinnaanngillat.</p>

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
<ul style="list-style-type: none"> • isumaqatigiissusiortoqassaaq pisuni immikkorluinnaq pisuni akissarsiat assigiinngiaartortaannik tamakkiisumik ilaannakortumilluunniit utertitsinissamik piumasaqarsinnaaneq, paasissutissat kingusinnerusukkut kukkusumik uppernarsaasersorneqarsimasut tunngavigalugit akissarsiaritinneqarsimasut paasineqarnerisigut. 				
4.1.3. Inassutigineqarpoq siulersuisunut ilaasortat piginneqataassutiniq pisinissamut salliutitsinikkut imaluunniit sillimasiinermut pisinissamut salliutitsinikkut akissarsiaqartinneqassanngitsut.	X			Imm. 4.1.2.-imi takuneqarsinnaasut aningaasarsiarititaasut iluini nikerarsinnaasunik ilassutiniq isumaqatigiissuseqartoqarsinnaanngilaq.
4.1.4. Inassutigineqarpoq piginneqataassutiniq tunngaveqartumik akissarsiaqartitsineq atorineqarpat, pilersaarutit akiitsornertut isigineqassasut, ima paasillugu, piffissakkaartumik tunniunneqartassapput, tunniunneqareernerisalu kingorna sivikinnerpaamik ukiuni pingasuni sivilussuseqartariaqassallutik.	X			Imm. 4.1.2.-imi takuneqarsinnaasut aningaasarsiarititaasut iluini nikerarsinnaasunik ilassutiniq isumaqatigiissuseqartoqarsinnaanngilaq.
4.1.5. Inassutigineqarpoq soraarnermut atatillugu ajunngitsorsiassat amerlanerpaamik ukiuni kingullerni marlunni akissarsiat amerlaqataasa annertunerpaamik naligissagaat.	X			
4.2. Akissarsiaqartitsinermut politikki pillugu paasissutissat				
4.2.1. Inassutigineqarpoq selskabip				

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
akissarsiaqartitsinermut politikkaa taassumalu malitsinneqarnera ukiumoortumik nassuiaateqarfigineqartassasoq, selskabillu ataatsimeersuarnerani siulersuisup nalunaarutaani tunngavilersuutigineqassalluni.	X			
4.2.2. Inassutigineqarpoq piginneqataasut ataatsimeersuarnermi siulersuisunut ukiumut naatsorsuusiorfissamut aallartittumut akissarsiassatut siunnersuutit akuerineqartassasut.	X			
4.2.3. Inassutigineqarpoq ukiumoortumik nalunaarusiami akissarsiat siulersuisunut ilaasortat aqutsisullu ataasiakkaat selskabimiit suliffeqarfissuarmilu selskabinit allanit pissarsiarisartagaasa katinneri pillugit ilisimatitsissutigineqartassasut, tamakkununga ilaallutik sulisorinniinnarnissamut soraarnissamulu aqqiissutini imarisat pingaarnerit pillugit ilisimatitsissuteqarneq, akissarsiaqartitsinissamullu politikkimut attuumassuteqarnera nassuiaassutigineqassalluni.	X			
5. Naatsorsuutininik saqqummiussineq, navialiffiusinnaasunik aarlerinaatilinnik aqutsineq kukkunersiuinerlu				
<i>5.1. Navialiffiusinnaasunik suussusiliineq paasisutissanullu attuumassuteqarnerusunik ammasuunissaq</i>				
5.1.1. Inassutigineqarpoq periusissatigut niuernikkullu aarlerinaatit, naatsorsuutininik saqqummiussinermut atatillugu aarlerinaatit pingaarnerit kiisalu selskabip aarlerinaatilinnik aqutsinera pillugu siulersuisut isummerfigissagaat aqutsisullu nalunaarusiaanni	X			Siulersuisut ingerlaavartumik minnerpaamillu ukiumut ataasiartumik aarlerinaatinut tunngasut tamakkiisut aarlerinaatitigullu eqqarsaatigisassat ataasiakkaat aningaaseriviup ingerlataanut attuumassuteqartut siulersuisut

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut / malinnginneranut nassuiaatit:
nassuiaateqarfigineqassasut.				nalilersortarpaat.
5.2. Oqaatiginnittarneq pillugu aaqqiissut				
5.2.1. Inassutigineqarpoq siulersuisut aalajangiiffigissagaat, unioqqutitsinerit annertuut imaluunniit tamanna pillugu pasinninneq pilugu siunertaqartumik isertuussinikkullu nalunaarutiginnissinnaaneq siunertaralugu oqaatiginnittarneq pillugu aaqqiissummik pilersitsineqassanersoq.	X			Aningaaserivilerineq pillugu Kalaallit Nunaanni inatsit aammalu nalunaarsuinissamut inatsit maanna atuuttut periarfissiinngillat oqaatiginnissinnaanermut aaqqiissuteqarsin-naanissamut. Kisiannni 2016-imi aningaaserivilerinermut inatsisip nutarterneqartnissaaiik akuersaarinnilluni akursinissamut atatillugu GrønlandsBANKEN oqaatiginnjissinnaanermik (whistleblowerordning-imik) pilersitsiniarpoq.
5.3. Kukkunersiuisumut attaveqartarneq				
5.3.1. Inassutigineqarpoq kukkunersiuisup siulersuisullu akornanni akuttunngitsumik oqaloqateqartarnissaq paasisutissanillu paarlaasseqatigiittarneq siulersuisut qulakkiissagaat, tamakkununga ilaalluni siulersuisut kukkunersiuiinermilu ataatsimiititaliaq aqutsisut peqataatinnagit minnerpaamik ukiumut ataasiartumik kukkunersiuisumik ataatsimeeqateqartassasut. Taama assingusumik suliffiup iluani kukkunersiuisoq, taamaattumik peqartoqarpai.	X			

Inassutigisat	Selskabip malippai	Selskabep ilaatigut malippai	Selskabep malinngilai	Inassutigisat ilaatigut malinneranut /malinnginneranut nassuiaatit:
5.3.2. Inassutigineqarpoq kukkuneruinermik isumaqatigiissut kukkuneruuisullu akissarsiaat tassunga ilaasoq kukkuneruinermit ataatsimiititaliap inassuteqarnera tunngavialugu siulersuisut kukkuneruuisullu akornanni isumaqatigiissutigineqassasoq.	X			

PKT. 2: Najoqqutaasinnaasut allat selskabip malitai

Selskabi aalajangersimavoq UN Global Compact atussallugu, taannalu nittartakkami uani pissarsiarineqarsinnaavoq: [https://www.banken.gl/aningaaserivik-pillugu/inuiaqatigiinnut-akisussaaffeqarnek-\(csr\).aspx](https://www.banken.gl/aningaaserivik-pillugu/inuiaqatigiinnut-akisussaaffeqarnek-(csr).aspx)

Inassutigisat	Selskabip malippai	Selskabip malinngilai	Makku tunngavialugit inassutigisat selskabip malippai/malinngilai:
UN Global Compact ileqqorissumik ingerlatsinissamat tunngavissanik 10-nik aaliangersagaqarpoq	X		2013-imi GrønlandsBANKEN UN Global Compact-imut ilannguppoq. Ukiut tamaasa aningaaseriviup nittartagaa atorlugu ukiup nutaap aallartinnerani nalunaarusiaq saqqummiunneqartarpoq.

PKT. 3: Naatsorsuutinin saqqummiusseriaatsimut atatillugu suliffeqarfiup iluani nakkutilleeriaatsit aarlerinaatinillu aqutseriaatsit pillugit selskabip eqqarsaatigisartagai pingaarnert

Nassuiaat

Naatsorsuutinin saqqummiusseriaatsimut atatillugu suliffeqarfiup iluani nakkutilleeriaatsinut aarlerinaatinillu aqutseriaatsinut atatillugu Siulersuisut aamma Aqutsisut pingaarnertut akisussaasuupput. Aningaaseriviup ingerlataanut atatillugu navialiffiusinnaasut pingaarutillit suliffeqarfiullu iluani nakkutilliinerit taakkulu naatsorsuutinin saqqummiusseriaatsimut sunniutigisinnaasaat Siulersuisut Aqutsisullu akuttunngitsumik nalilersortarpaat.

Aningaaseriviup allaffissornikkut aqqissuussaanaera atuuffiillu pingaarnert naatsorsuutinin saqqummiusseriaatsimut attuumassuteqartut Siulersuisut Aqutsisullu ukiumoortumik nalilersortarpaat. Siulersuisut suliffeqarfiup iluani kukkunersuiisunik siulersuisunut akisussaasunik pilersitsisimapput. Suliffeqarfiup iluani kukkunersuiisut inatsisit atuuttut malillugit suliatik isumagisarpaat, aningaaseriviullu suleriaasii suliffeqarfiullu iluani nakkutilleeriaatsit nutartertarlugit. Naatsorsuutinin saqqummiussisarnermut politikkit suleriaatsillu siulersuisunit akuerineqarsimasut aningaaserivimmi suliffiup iluani nittartagaani allassimapput.

Siulersuisut Aqutsisullu minnerpaamik ukiumut ataasiartumik GrønlandsBANKENip aarlerinaataani aarlerinaatinik pingaarnernik nalilersuisarput, sammisanut pingaarnernut makkununga agguataarlugit: akiitsuut, niuerfiit, aningaasat tigorianaat, upalungaarsimanissamut pilersaarut aamma suliaqarnermi aallerinaatit. Aarlerinaatinik nalilersuinerimut tassunga uiggiullugu ukiup ingerlanerani aarlerinaatitigut nalaataqarsimanerit pingaarnert nassuarneqartarput. Tamakku saniatigut GrønlandsBANKENip aningaasatigut mattussusiineranut tunngatillugu aarlerinaatit pillugit nalunaarusiat kvartalit tamaasa aningaaseriviup nittartagaatigut tamanut saqqummiunneqartarput.

Naatsorsuusiaatsimik nakkutiginninneq ingerlaavartumik pisarpoq kiisalu aarlerinaatinik nalilersuineq tunngavigalugu naatsorsuutinin saqqummiusseriaatsimi inissisimaffinnut tamanut piffissakkaartumik nakkutiginnittoqartarluni. Sanngiiffiit, nakkutilliinerimmi arajutsisat periarfissatigullu killissarititaasut ilitersuutigineqarsimasut qaangernerit pillugit aqqissuussaanaermi qummut inissisimanerusunut nalunaarusiorfigineqartarput. § 70 malillugu Aqutsisunut ilitersuutit tungaasigut ilitersuutitillugu siulersuisunit suliakkiissutigineqarsimasut pillugit siulersuisut nalunaarusianik ingerlaavartumik pissarsisarput. Sanngiiffiit, amigaatit qaangiinerillu pillugit nalunaarusiat Aqutsisut sunniuteqartumik qisuariarfigineqarnissaat Siulersuisut qulakkeertarpaat.

Kukkunersuinerimut ataatsimiititaliaq minnerpaamik siulersuisut ileqqusumik ataatsimiinnissaat tamaasa sioqqullugit aningaaserivimmut § 70 malillugu aqutsisunut ilitersuut malillugu killissai assigiinngitsut eqquutsinneqarsimanersut pillugit nalunaarusiamik kiisalu kukkunersuiisut nalunaarutaannik pissarsisarpoq. Suliffeqarfiup iluani kukkunersuiisut avataaniillu kukkunersuiisut akornanni attaveqarneq kukkunersuinerimut ataatsimiititaliap suliaasa pissusissamisoortumik ilagaa, tamakkununga ilanngullugu kukkunersuinerimut ataatsimiititaliap pitsaassutsimik taamallu suliffeqarfiup iluani kukkunersuiisut avataaniillu kukkunersuiisut suliaannut attuumassuteqanngitsumik ingerlaavartumik nalilersuisarluni.

PKT. 4: Aqutsisoqarfiit taakkulu ataatsimiititaliaasa katiterneqarnerat taakkulu atuuffii

Nassuiaat

Kukkunersiuinermut navialiffiusinnaasunillu nalilersuisarnermut ataatsimiititaliaq: Siulersuisut tamarmiusut.

Akissarsiaqartitsinermut ataatsimiititaliaq: Siulersuisut siulittaasuat siulittaasullu tullia kiisalu siulersuisuni sulisut sinniisaat ataaseq.

Toqqaasarnermut ataatsimiititaliaq: Siulersuisut siulittaasuat siulittaasullu tullia.